

Үндэсний статистикийн хорооны даргын
2012 оны 11-р сарын 09-ний өдрийн
1/132 дугаар тушаалын 2-р хавсралт.

МОНГОЛ УЛСЫН ҮНДЭСНИЙ СТАТИСТИКИЙН ХОРОО



**МАЛ, ТЭЖЭЭВЭР АМЬТАД, МАЛЫН ХАШАА, ХУДГИЙН
ТООЛЛОГЫН МАЯГТ НӨХӨХ ЗААВАР**

**Улаанбаатар хот
2012 он**

АГУУЛГА

Нэр томъёоны товч тайлбар, тодорхойлолт	2
I. Мал, тэжээвэр амьтад, малын хашаа, худгийн тооллого явуулах зарчим, хугацаа, зохион байгуулалт	4
I.1. Тооллогын зарчим.....	4
I.2. Тооллогын хугацаа.....	4
I.3. Тооллогын хамрах хүрээ	4
I.4. Тооллогын бэлтгэл, зохион байгуулалт	5
I.5. Хууль, эрх зүйн үндэс	5
I.5.1. Статистикийн тухай Монгол Улсын хууль	5
I.5.2. Захиргааны хариуцлагын тухай Монгол Улсын хууль.....	6
I.5.3. Засгийн газрын тогтоол, шийдвэр.....	6
II. Мал, тэжээвэр амьтад, малын хашаа, худгийн тооллогын маягт	6
III. Мал, тэжээвэр амьтдын тооллогын маягтын заавар	7
IV. Мал, тэжээвэр амьтдын тооллогын мэдээлэл боловсруулалт	20
Монгол Улсын Засаг захиргаа, нутаг дэвсгэрийн нэгжийн код	21

НЭР ТОМЬЁОНЫ ТОВЧ ТАЙЛБАР, ТОДОРХОЙЛОЛТ

Мал бүхий өрх. Малыг ахуй амьдралдаа туслах чанарын үүрэгтэй өсгөн үржүүлдэг өрхийг хэлнэ.

Малчин өрх. Жилийн 4 улирлын туршид малаа маллаж, малын ашиг шим нь тэдний амьжиргааны эх үүсвэр болж байгаа өрхийг хэлнэ.

Малтай өрх. Мал бүхий өрх, малчин өрхийн нийлбэрээр тодорхойлогдоно.

Малчид. Жилийн 4 улирлын туршид мал аж ахуй эрхэлж, малын ашиг шим нь тэдний амьжиргааны эх үүсвэр болж байгаа 16 ба түүнээс дээш насны хүмүүсийг хэлнэ.

Бодод шилжүүлэх коэффициент:

1 адуу, үхэр	- 1 бод
1 тэмээ	- 1.5 бод
6 хонь	- 1 бод
8 ямаа	- 1 бод

Бодод шилжүүлэх коэффициентийг таван төрлийн малыг нэг төрлийн малд шилжүүлэн малын өсөлт, бууралт, үр ашгийг тооцоход ашиглана.

Бог малд буюу хонин толгойд шилжүүлэх коэффициент:

1 тэмээ	- 5 хонь
1 адуу	- 7 хонь
1 үхэр	- 6 хонь
1 хонь	- 1 хонь
1 ямаа	- 0.9 хонь

Хонин толгойд шилжүүлэх коэффициентийг малын тэжээлийн хүрэлцээ, хангамж, бэлчээрийн даацыг тодорхойлж гаргахад ашиглана.

Нас гүйцсэн мал. Малын төрөл бүр дээр дараах насны малыг хамруулна.

Тэмээ	- 4 настай, 5 ба түүнээс дээш настай
Адуу	- 3 настай, 4 ба түүнээс дээш настай
Үхэр	- 2 настай, 3 ба түүнээс дээш настай
Бог мал	- тухайн жилийн төл малаас бусад насны мал

Өсвөр насны мал

Тэмээ-өмнөх оны төл,	2 болон 3 настай
Адуу-	өмнөх оны төл, 2 настай
Үхэр-	өмнөх оны төл

Төл мал. Тухайн жилийн төлийг хэлнэ.

Бэлэн хээлтэгч. Малын төрөл бүр дээр нас гүйцсэн эм малыг хамруулна.

Малын тоо, толгойн өсөлт. Оны эцсийн малаас оны эхний малыг хасч, малын тооны өөрчлөлтийг тоогоор илэрхийлнэ. Оны эцсийн малын тоог оны эхний малын тоонд харьцуулан 100-гаар үржүүлж, өсөлт, бууралтыг хувиар илэрхийлнэ.

Малын өсөлтийн орлого тал нь төл бойжилт, зарлага тал нь хэрэглээний зарлага, том малын зүй бус хорогдол байна.

Төллөлтийн хувь. Төллөсөн хээлтэгчийн тоог оны эхний хээлтэгчийн тоонд харьцуулан, 100 –гаар үржүүлнэ.

Бойжилтын хувь. Бойжсон төлийн тоог нийт гарсан төлийн тоонд харьцуулан 100–гаар үржүүлнэ.

100 эхээс бойжуулсан төл. Бойжуулсан төлийн тоог оны эхний хээлтэгч малын тоонд харьцуулж 100-гаар үржүүлнэ.

Хээлтэгч, хээлтүүлэгчийн тохироо. Хээлтэгч малын тоог хээлтүүлэгч малын тоонд харьцуулж, тооцно.

1 хээлтүүлэгчид ногдох хээлтэгчийн тооны норм нь:

Буур	-	20-25
Азарга	-	12-15
Бух	-	35-45
Хуц, ухна	-	25-30

Том малын зүй бус хорогдолд өвчний (халдвартай, халдваргүй) хорогдол, гэнэтийн аюулын (цас, зуд, үер ус, гал түймэр, аянга цахилгаан зэрэг) хорогдол, бусад шалтгааны (малын хариулга, арчилгаа маллагаатай холбогдон гарсан) хорогдлыг хамруулна.

Оны эхний малд том малын зүй бус хорогдлын эзлэх хувь. Зүй бусаар хорогдсон том малын тоог оны эхний малын тоонд харьцуулан 100-гаар үржүүлж тооцно.

Малын хэрэглээний зарлага. Оны эхний малын тоон дээр бойжуулсан төлийг нэмж, том малын зүй бус хорогдол, оны эцсийн малын тоог хасч, тооцно.

Малын хашааны хангамж. Хашааны хангамжийг гаргахдаа хашааны багтаамжийг малын тоонд харьцуулж тооцно. Бод малын хашааны хангамжийг бод малын хашааны багтаамжийг үхрийн тоонд, харин бог малынхыг богийн хашааны багтаамжийг бог малын /хонь, ямааны/ тоонд харьцуулж тооцно.

Тэжээл хангамж. Тэжээлийн хангамжийг гаргахдаа тэжээлийн нэгжид шилжүүлсэн тэжээлийн нийт хэмжээг хонин толгойд шилжүүлсэн малын тоонд харьцуулан тооцно. Малын тэжээлийн хангамж, бэлчээрийн даацыг гаргахдаа малыг хонин толгойд шилжүүлж малын тоонд харьцуулж тооцно.

Тэжээлийн нэгжид шилжүүлэх коэффициент. Бэлтгэсэн тэжээл нь илчлэг, чанарын байдлаараа харилцан адилгүй байдаг учраас нэг тэжээлийн нэгжид шилжүүлж тэжээлийн хангамжийг гаргана. Үүний тулд:

Хадлан өвс	-	0.45
Таримал тэжээл	-	0.35
Даршны ургамал	-	0.25
Гар тэжээл, хужир шүү	-	1.00
Төмс ногооны хаягдал	-	0.22
Үр тарианы хаягдал	-	0.90
Лай	-	0.40
Сүрэл	-	0.25

гэсэн итгэлцүүрүүдийг ашиглан тэжээлийн нэгжид шилжүүлнэ.

Малын тэжээлийн ангилал. Малын тэжээлийг ургамлын гаралтай, амьтны гаралтай, эрдэс тэжээлийн гаралтай гэж ангилна.

- Ургамлын гаралтай тэжээлд өвс, сүрэл, үр тариа, буурцгийн төрлийн ургамал багтах бөгөөд бүдүүн, хүчит, шүүст тэжээл гэж ангилна.
 1. Бүдүүн тэжээл - өвс, сүрэл, нэг наст ба олон наст өвс орно.
 2. Хүчит тэжээл - үр тариа, үр тарианы хаягдал, вандуй, буурцаг орно.
 3. Шүүст тэжээл - Бүх төрлийн дарш, төмс ногооны хаягдал орно.
- Амьтны гаралтай тэжээлд яс, цусны гурил зэрэг орно.
- Эрдэс тэжээлд давс, хужир шүү орно.

I. Мал, тэжээвэр амьтад, малын хашаа, худгийн тооллого явуулах зарчим, хугацаа, зохион байгуулалт

I.1. Тооллогын зарчим

Мал, тэжээвэр амьтад, хашаа, худгийн тооллогыг явуулахдаа дараах зарчмыг баримтална. Үүнд:

1. Тооллогыг явуулахдаа мал, амьтдыг нэг бүрчлэн нүдээр үзэж, биечлэн тоолж бүртгэнэ.
2. Өрх, аж ахуйн нэгж, байгууллагын малыг нэг бүрчлэн, нүд үзэн тоолж, дараа нь маягыг өгөгдсөн дарааллаар, өрхийн тэргүүлэгч болон аж ахуйн нэгж, байгууллагын захирал, дарга эсвэл тухайн өрх, аж ахуйн нэгж, байгууллагад хамааралтай аль нэг гишүүнээс асууж нөхнө.
3. Өрх, аж ахуйн нэгж, байгууллагын малыг байгаа газарт нь тоолж, тухайн оршин сууж байгаа сум, дүүргийн малын данс бүртгэлд оруулна. Харин сум, багаас хэсэг бүлгээрээ өөр аймаг, сумын нутагт отор хийж өвөлжиж байгаа айл өрхийн хүн ам, малыг үндсэн аймаг, сумын тооллогын комисс очиж тоолоод данс бүртгэлдээ авна.
4. Баг, сумын нутаг дэвсгэрт ялангуяа адуу, тэмээг газар дээр нь тооллогод бүрэн хамруулан, биечлэн үзэж тоолоход онцгой анхаарна.
5. Сум, дүүрэг, баг, хорооны түвшинд нутаг дэвсгэртээ байгаа айл өрх, аж ахуйн нэгж байгууллагын мал, тэжээвэр амьтад тооллогод бүрэн хамрагдаж орсон эсэх, данс бүртгэлд орхигдолгүй туссан эсэхийг сайн нягталж шалгана.
6. Мал тооллогын явцад зарим аймаг, сум, дүүргийн малтай өрх нь өөр аймаг, сум, дүүргийн нутагт цөөн тоогоор нутаглаж харьяалах сум дүүргээс нь очиж тоолох боломжгүй бол холбогдох, аймаг, сум, дүүргийн статистикийн хэлтэстэй холбогдож, малыг нь тоолуулан, өөрийн данс бүртгэлд оруулна.
7. Мал, тэжээвэр амьтдын тооллогын ажилд тавих хяналт, шалгалтыг улс, аймаг, сумаас явуулна. Жилийн эцсийн мал тооллогоор нийт тоологдсон өрхийн 10 хүртэл хувьд хяналтын тооллого явуулна.

I.2. Тооллогын хугацаа

Мал, тэжээвэр амьтдын тооллогыг жил бүрийн **12 дугаар сарын 7-17-ны** өдрүүдэд багтаан явуулж, өмчийн бүх хэвшлийн мал, тэжээвэр амьтдыг тооллогод бүрэн хамруулан, улсын хэмжээгээр нэг зэрэг газар дээр нь биечлэн тоолно.

I.3. Тооллогын хамрах хүрээ

Монгол Улсын нутаг дэвсгэрт байгаа малтай бүх өрх (мал бүхий өрх, малчин өрх), аж ахуйн нэгж, байгууллагууд тооллогод хамрагдана.

1.4. Тооллогын бэлтгэл, зохион байгуулалт

Мал, тэжээвэр амьтдын тооллогын бэлтгэл, зохион байгуулалт нь Үндэсний статистикийн хороо, аймаг, нийслэлийн статистикийн хэлтэс, газар, сум, дүүргийн Засаг даргын тамгын газар, баг, хорооны засаг дарга гэсэн дарааллаар хийгдэнэ.

Мал тооллогын бэлтгэл, зохион байгуулалтын хүрээнд дараах ажлыг хийнэ.
Үүнд:

1. Мал, тэжээвэр амьтдын тооллогыг удирдан, зохион байгуулах аймаг, нийслэл, сум, дүүргийн мал тооллогын комиссыг тухайн шатны засаг даргаар ахлуулан жил бүр шинэчлэн байгуулна.
2. Мал, тэжээвэр амьтдын тооллоготой холбогдон гарах зардлыг ҮСХ болон бүх шатны Засаг даргын Тамгын газрын жил бүрийн төсөвт тооцон тусгаж санхүүжүүлэхэд бэлдэнэ.
3. Мал, тэжээвэр амьтдын тооллогыг үнэн зөв, чанартай явуулахад чиглэсэн бэлтгэлийн хүрээнд ажлын төлөвлөгөө, графикийг гаргана.
4. Өрх, малын шилжих хөдөлгөөн, малын орлого, зарлагын бүртгэл тооцоог урьдчилан цэгцэлнэ.
5. Сум, орон нутгийн тухайн жилийн мал өвөлжилтийн нөхцөл байдалтай холбогдуулан мал тооллогыг үнэн зөв, чанартай явуулах арга хэлбэрийг тодорхойлно.
6. Тооллогод оролцох хүмүүсийг хуваарилж, сургалт, семинар зохион байгуулах, түүнчлэн явах унааны асуудлыг бүрэн шийдвэрлэсэн байна.
7. Тооллогын маягт зааврыг аймаг, нийслэл, сум, дүүрэг, баг, хороонд хуваарилж, хүргүүлнэ.
8. Тооллогыг орон нутагт явуулж, зохих боловсруулалтыг хийж, үр дүнг заасан хугацаанд хүргүүлнэ.
9. Мал, тэжээвэр амьтдын тооллого явуулах шаардлага, ач холбогдол, үр дүнгийн талаар орон нутгийн хэвлэл, радио, телевизээр өргөн сурталчилна.
10. Мал, тэжээвэр амьтдын тооллогын урьдчилсан дүнг аймаг, нийслэлийн статистикийн хэлтэс, газар нь аймаг, нийслэлийн түвшинд нэгтгэн малын төрлөөр, тогтоосон хугацаанд ҮСХ-нд ирүүлнэ. Тооллогын эцсийн дүнг жил бүрийн 1 сарын 4-ний холболтоор тодотгон ирүүлнэ.

1.5. Хууль, эрх зүйн үндэс

Дараах хууль эрх зүйн заалтыг үндэслэн Мал, тэжээвэр амьтдын тооллогыг зохион байгуулна.

1.5.1. Статистикийн тухай Монгол Улсын хууль

“Мал, тэжээвэр амьтдын тооллогыг жил тутам явуулах” 7 дугаар зүйлийн 1-ийн в заалт;

Аймаг, нийслэл, сум, дүүргийн Засаг дарга нь “Үндэсний статистикийн хорооноос өгсөн удирдамж, чиглэлийн дагуу статистикийн тооллого, тивээр судалгааг зохион байгуулж явуулах” гэсэн 20 дугаар зүйлийн 2-р заалт;

Баг, хорооны Засаг дарга нь “Мал, тэжээвэр амьтад, эд хөрөнгийн тооллого, бүртгэл явуулах” 21 дүгээр зүйлийн 3-р заалтыг тус тус үндэс болгоно.

1.5.2. Захиргааны хариуцлагын тухай Монгол Улсын хууль

“Хүн ам, эд хөрөнгө, мал, тэжээвэр амьтад, аж ахуйн нэгжийн улсын тооллого явуулах, бүртгэх ажлаас зайлсхийсэн, эсхүл тооллого судалгаанд хүндэтгэн үзэх шалтгаангүйгээр оролцоогүй, түүнчлэн эд хөрөнгө, мал, тэжээвэр амьтдыг тооллогоос нуун дарагдуулсан нь эрүүгийн хариуцлага хүлээлгэхгүйгээр бол холбогдох албан тушаалтан, иргэнийг 20 000-100 000 төгрөгөөр торгох шийтгэл ногдуулна” гэсэн 43 дугаар зүйлийн 1-р заалт

“Хууль тогтоомжийн дагуу улсад гаргаж өгвөл зохих бүртгэл, тайлан, мэдээг гаргаж өгөөгүй, хүндэтгэн үзэх шалгаангүйгээр хожимдуулсан, санаатайгаар буруу гаргасан бол 10 000-50 000” хүртэл төгрөгөөр торгох шийтгэл ногдуулна” гэсэн 43 дугаар зүйлийн 2-р заалтыг тус тус мөрдөж ажиллана.

1.5.3. Засгийн газрын тогтоол, шийдвэр

“Тооллогын товыг өөрчлөн тогтоох тухай” Монгол Улсын Засгийн газрын 2003 оны 224 дүгээр тогтоолын 1-д “Улсын мал тооллогыг жил бүрийн 12 дугаар сарын 7-17-ны өдөр явуулж, өмчийн бүх хэвшлийн мал, тэжээвэр амьтдыг тооллогод бүрэн хамруулан, улсын хэмжээгээр нэг зэрэг газар дээр нь биечлэн тоолж байх”-аар тогтоосон. Тогтоолын 2-д “Мал тооллоготой холбогдон гарсан зардлыг Үндэсний статистикийн хороо болон бүх шатны Засаг даргын Тамгын газрын жил бүрийн төсөвт тооцон тусгаж санхүүжүүлэх”-ийг Сангийн сайд, бүх шатны Засаг дарга нарт үүрэг болгосон.

Мал, тэжээвэр амьтад, хашаа, худаг, тэжээлийн жилийн эцсийн тооллогыг явуулахад дээр дурьдсан хууль, эрхийн актуудаас гадна Үндэсний статистикийн хорооноос баталсан маягт, зааврыг мөрдлөг болгоно.

II. Мал, тэжээвэр амьтад, малын хашаа, худгийн тооллогын маягт

Мал тооллогын мэдээллийг цуглуулахдаа мал тооллогын анхан шатны бүртгэлийн маягт буюу маягт МТ 1-ийг ашиглах бөгөөд ҮСХ-ноос маягтыг аймаг, орон нутагт тооллогоос өмнө урьдчилан хүргүүлсэн байна. Мал тооллогын маягт нь дараах бүтэцтэй байна. Үүнд:

1. Хаягийн хэсэг, (байршил, өрх, аж ахуйн нэгж, байгууллагын мэдээлэл)
2. Үндсэн үзүүлэлт, (бэлэн тоологдсон мал, нас, хүйсээр, малын тоо толгойн, төллөх малын тоо толгойн өөрчлөлт, төлийн тоо толгойн өөрчлөлт, нутгийн шилдэг омог, цэвэр үүлдэр, эрлийз, нутгийн сайжруулсан үүлдрийн малын тоо, тэжээвэр амьтад, тэжээвэр амьтдын бүтээгдэхүүний үйлдвэрлэл, борлуулалт, малчин өрхийн ахуйн зарим үзүүлэлт, бэлтгэсэн тэжээл, ХАА-н үйлдвэрлэлд ажиллаж байгаа мэргэжлийн боловсон хүчин, ашиглагдаж байгаа машин техник, худаг усан сан, малын хашаа)

Маягтанд тусгагдсан үзүүлэлтэд өөрчлөлт ороогүй тохиолдолд ҮСХ-ноос хүргүүлсэн мал тооллогын зааврыг үндэс болгоно.

III. Мал, тэжээвэр амьтдын тооллогын маягтын заавар

Малтай өрх, аж ахуйн нэгж байгууллагын мал тооллогын маягт МТ 1.

Уг маягт нь малтай өрх, аж ахуйн нэгж байгууллага бүр дээр нөхөгдөх бөгөөд мал тооллогын анхан шатны бүртгэлийн маягт юм.

Мал, тэжээвэр амьтдын тооллогын картыг ашиглан бэлэн тоологдсон мал, малын тоо толгойн өөрчлөлт, төллөх малын тоо толгойн өөрчлөлт, төлийн тоо толгойн өөрчлөлт, цэвэр, эрлийз, нутгийн шилдэг омог, нутгийн сайжруулсан үүлдрийн малын тоо, тэжээвэр амьтдын тоо, тэжээвэр амьтдын бүтээгдэхүүний үйлдвэрлэл, борлуулалт, малчин өрхийн ахуйн зарим үзүүлэлт, бэлтгэсэн тэжээл, ХАА-н үйлдвэрлэлд ажиллаж байгаа мэргэжлийн боловсон хүчин, ХАА-н үйлдвэрлэлд ашиглагдаж байгаа машин техник, худаг, усан сан, малын хашаа гэсэн хүснэгтүүдээр, үзүүлэлт тус бүрээр, нэг бүрчлэн бүртгэж авна. Мэргэжлийн боловсон хүчин, ХАА-н үйлдвэрлэлд ашиглагдаж байгаа машин техник, худаг, усан сан, малын хашааны үзүүлэлтүүдээс худаг, малын хашааны дүн, түүнчлэн трактор, үр тариа, төмс, даршны комбайн, морин хадуур, ачаа, суудлын болон бусад төрлийн автомашин, мотоцикл зэрэг үзүүлэлтийг жил бүрийн тооллогод хамруулна. Харин бусад үзүүлэлтийг 3 жил тутамд Малын хашаа, худгийн тооллогод хамруулна.

I. ХАЯГИЙН ХЭСЭГ

1. Байршил

1. Аймаг, нийслэлийн нэр, код. Энэ асуултад тухайн аймаг, нийслэлийн албан ёсны нэрийг товчлохгүйгээр бичиж, холбогдох кодыг Хавсралт 1 буюу “Монгол улсын засаг, захиргаа, нутаг дэвсгэрийн нэгжийн код”-оос харж бичнэ.

2. Сум, дүүргийн нэр, код. Энэ асуултад тухайн сум, дүүргийн албан ёсны нэрийг товчлохгүйгээр бичиж, холбогдох кодыг Хавсралт 1 буюу “Монгол улсын засаг, захиргаа, нутаг дэвсгэрийн нэгжийн код”-оос харж бичнэ.

3. Баг, хорооны нэр, код. Энэ асуултад тухайн баг, хорооны албан ёсны нэрийг товчлохгүйгээр бичиж, холбогдох кодыг Хавсралт 1 буюу “Монгол улсын засаг, захиргаа, нутаг дэвсгэрийн нэгжийн код”-оос харж бичнэ.

2. Өрхийн мэдээлэл

4. Хүн амын өрхийн бүртгэлийн дугаар. Өрх бүр дээр хөтлөгддөг хүн амын өрхийн бүртгэлийн дэвтрийн эхний хуудсанд бичигдсэн 12 оронтой дугаарыг авч бичнэ. Энэ дугаар нь хүн ам, өрхийн бүртгэлийн дугаартай ижил байна. Жишээ нь: 2012 оны жилийн эцэст мал тооллогын маягт дээр тавигдах өрхийн бүртгэлийн дэвтрийн дугаар нь 2011 оны жилийн эцсийн мал тооллого, 2012 оны хагас жилийн мал тооллогын маягт дээр тавигдсан дугаартай тухайн өрхийн хувьд жил бүрийн тооллогод ижил байна.

Өрхийн бүртгэлийн дэвтрийн дугаар /шинээр олгож буй/. Өрхийн бүртгэлийн дэвтрийн дугаарыг бүртгэл хийж буй анхан шатны нэгж /баг, хороо/ олгоно. Өрхийн бүртгэлийн дэвтрийн дугаарыг давхардуулан өгч болохгүй. Өрх 2 өрх болж салах, гэр бүлээ цуцлуулах, шинээр гэр бүл болж байгаа тохиолдолд өрхөд бүртгэлийн дугаарыг шинээр олгоно. Тухайн өрх хүн ам, өрхийн бүртгэлийн дэвтрээ нээлгэх үед дугаар авах ба энэ дугаар Монгол Улсын аль ч нутаг

дэвсгэрт шилжин явсан, ирсэн тохиолдолд ч анхны авсан энэ дугаар өөрчлөгдөхгүй хэвээрээ байна. Хүн ам, өрхийн бүртгэлийн дэвтэр шинээр нээлгэсэн тохиолдолд өрхийн бүртгэлийн дугаар нь баг, хорооноос олгосон өрхийн дугаартай адил байна. Хэрвээ өрх өөр газраас шилжиж ирсэн тохиолдолд өрхийн бүртгэлийн дугаар нь өөрчлөгдөхгүй хэвээрээ байх ба өрх шилжиж ирсэн газартаа бүртгүүлж хаягийн өөрчлөлтийн хэсэгт баг, хорооноос олгосон өрхийн дугаарыг шинээр авах бөгөөд энэ нь ялгах кодоор ялгагдах болно.

Өрхийн бүртгэлийн дэвтрийн дугаарын эхний “1-6” орон нь аймаг, нийслэл, сум, дүүрэг, баг, хорооны код байна. Кодыг нөхөхдөө мөрдөгдөж буй “Монгол Улсын засаг захиргаа, нутаг дэвсгэрийн нэгжийн код”-ыг ашиглана.

Өрхийн дугаарын оронгийн тоо:

- 1-2 Аймаг, нийслэлийн код /A1/
- 3-4 Сум, дүүргийн код /A2/
- 5-6 Баг, хорооны код /A3/
- 7-10 Өрхийн бүртгэл хийгдсэн дугаар бөгөөд баг, хороо бүр өрхийг 0001-ээс эхэлж бүртгэнэ. /A5/
- 11 Бүртгэл хийсэн оны сүүлийн оронг тавина. Жишээ нь 2012 онд бүртгэл явагдаж байгаа бол 11 дэх нүд нь “2” болно.
- 12 Бүртгэлийн ялгах кодыг дараах байдлаар нөхнө.

- Ялгах код нь:
- 1- Үндсэн өрх
 - 2- Өрхийн дугаар шинээр авч буй өрх
 - 3- Шилжиж ирсэн өрх

Үндсэн өрхөд тухайн орон нутагт 6, түүнээс дээш сарын хугацаагаар байнга оршин сууж байгаа өрхийг ойлгоно.

Өрхийн дугаар шинээр авч буй өрхөд урьд өмнө нь өрх үүсгэн амьдарч байгаагүй, анх удаа өрх тусгаарлаж байгаа, өрхийн тэргүүлэгч нас барсан, гэр бүлээ цуцлуулаад шинээр өрх үүсгэж байгаа өрхийг хамруулна.

Шилжиж ирсэн өрхөд бусад аймаг, орон нутгаас тухайн орон нутагт шилжиж ирсэн өрхийг оруулна.

Жишээлбэл, 2011 онд Архангай аймгийн Эрдэнэбулган сумын 1-р багийн эхний өрхийг үндсэн өрх гэж үзвэл дараах байдлаар нөхнө.

ӨРХИЙН ДУГААР: шинээр олгож буй

6	5	0	1	5	1	0	0	0	1	1	1
A1		A2		A3		A5				Ялгах код	

“Өрх гэдэг” нь (а) өөрийн амьжиргаанд шаардлагатай хоол хүнсний болоод бусад хэрэгцээгээ өөр хүмүүс болон өөр өрхийн гишүүдтэй хамтралгүйгээр хангаж байгаа нэг хүнтэй өрх (b) хоёр, түүнээс дээш эсвэл хэсэг бүлэг хүмүүс хамтран өөрийн амьжиргаанд шаардлагатай хүнсний болоод бусад хэрэгцээгээ хангаж байгаа олон хүнтэй өрхийн аль алинийг хэлнэ. Өрхийн гишүүд нь орлогоо нийлүүлдэг, нэг төсөвтэй, гэхдээ тэд хууль ёсны хамаатнууд ч байж болно, бас биш ч байж болно.

5. Өрхийн тэргүүлэгчийн регистрийн дугаар. Өрхийн тэргүүлэгчээс иргэний үнэмлэхийн регистрийн дугаарыг асууж, нөхнө.

6. Эцэг (эх)-ийн нэр. Тухайн өрхийн өрхийн тэргүүлэгчийн эцэг (эх)-ийн нэрийг асууж, нөхнө.

7. Өрхийн тэргүүлэгчийн нэр. Өрхийн тэргүүлэгчийн нэрийг асууж нөхнө.

8. Өрхийн төрөл. Өрхийг бүртгэхдээ мал бүхий өрх, малчин өрх гэсэн хоёр төрлийг сонгон бүртгэж, дугуйлна.

Мал бүхий өрхөд жилийн 4 улирлын туршид малаа маллаж, малын ашиг шим нь тэдний амьжиргааны эх үүсвэр болж байгаа малчин өрх, малыг ахуй амьдралдаа туслах чанарын үүрэгтэй өсгөн үржүүлдэг өрхийг хамруулна. Жишээ нь: багш, татварын байцаагч зэрэг нь үндсэн ажлынхаа хажуугаар тодорхой тооны малтай, малыг амьдрал ахуйдаа туслах байдлаар өсгөн үржүүлдэг бол мал бүхий өрх гэнэ.

Малчин өрхөд жилийн 4 улирлын туршид малаа маллаж, малын ашиг шим нь тэдний амьжиргааны эх үүсвэр болж байгаа өрхийг хамруулна. Мал аж ахуй дээр байгаа тэтгэвэрт гарсан хөгшид, төв суурин газрын мал бүхий иргэд дээрхи тодорхойлолтод нийцэж байвал малчин өрх, малчинд хамруулж болно.

Хэрэв тухайн өрх нь мал бүхий өрх байвал малчдын тоо, нас, хүйсээр задалсан дүн нөхөгдөхгүй.

Малтай өрх. Мал бүхий өрх, малчин өрхийн нийлбэрээр тодорхойлогдоно.

9. Малчин өрхийн ам бүлийн тоо. Малчин болон мал бүхий өрхөд амьдарч байгаа өрхийн ам бүлийн гишүүд орно.

10. Малчдын тоо. 10 дугаар асуулт нь зөвхөн малчин өрхийн хувьд нөхөгдөнө. **Малчид гэдэг нь** жилийн 4 улирлын туршид мал аж ахуйг эрхэлж, малын ашиг шим нь тэдний амьжиргааны эх үүсвэр болж байгаа 15 ба түүнээс дээш насны хүмүүс юм.

11. Эмэгтэй малчдын тоо. Нийт малчдаас эмэгтэй малчдыг сугалж харуулна. 11 дүгээр асуулт нь зөвхөн малчин өрхийн хувьд нөхөгдөнө.

12. Малчдын тоо, насны бүлгээр. Малчдыг 15-34 насны, 35-59 насны, 60-аас дээш насны гэсэн насны ангилалаар бүртгэнэ. 12 дугаар асуулт нь зөвхөн малчин өрхийн хувьд нөхөгдөнө.

Хийгдэх шалгалт:

1. Нийт малчдын тооноос эмэгтэй малчдын тоо бага буюу тэнцүү байна.

2. Малчдын тоо нь 15-34, 35-59, 60-аас дээш насны малчдын тоотой тэнцүү байна.

3. Аж ахуйн нэгж, байгууллагын мэдээлэл

13. Регистрийн дугаар. Тухайн аж ахуйн нэгжийн регистрийн дугаарыг улсын бүртгэлийн гэрчилгээг үндэслэн товчлохгүйгээр үнэн зөв нөхнө.

14. Аж ахуйн нэгж байгууллагын нэр. Тухайн аж ахуйн нэгжийн нэрийг улсын бүртгэлийн гэрчилгээг үндэслэн товчлохгүйгээр үнэн зөв нөхнө.

15. Үйл ажиллагааны салбарын чиглэл . Тухайн аж ахуйн нэгж байгууллагын үйл ажиллагааны чиглэлийг асууж нөхнө. Ингэхдээ эдийн засгийн үйл ажиллагааны чиглэлийн нэрийг дэлгэрэнгүй тодорхой бичиж, чиглэлийн кодыг 5 оронгийн түвшинд “Эдийн засгийн бүх төрлийн үйл ажиллагааны салбарын ангилал” (ISIC-4.0) хувилбарын дагуу номноос нөхнө.

16. Аж ахуйн нэгж, байгууллагын хувьд тухайн байгууллагын малыг маллаж буй хүнийг малчин, өрхийг малчин өрх гэж үзэх бөгөөд тухайн өрхийн хувьд ам бүлийн тоо, малчдын тоо, эмэгтэй малчдын тоо, нийт малчдаас насны бүлгээр нөхнө. Хэрэв аж ахуйн нэгж, байгууллагын малыг маллаж буй өрх нь өөрийн хувийн (амины) малтай бол тухайн өрхийн хувьд тусад нь маягт бөглөж өрхийн төрлийг “малчин” буюу “2” гэж сонгоно. Малтай өрх нь зөвхөн мал бүхий өрх (8.1), малчин өрх (8.2) –ийн нийлбэрээр гарна.

21. Хариуцлагын хэлбэр. Аж ахуйн нэгжийн хариуцлагын хэлбэрийг нөхөхдөө иргэн, компани, хоршоо, нөхөрлөлийн тухай хуулийг үндэслэж гаргасан ангиллын холбогдох кодыг дугуйлна. Хариуцлагын хэлбэрийн 10, 11, 20, 21, 30, 40, 41 ангиллуудад хамаарахгүй аж ахуйн нэгжийг “бусад” буюу 80 гэсэн ангиллаар бүртгэнэ. Тухайлбал, хувийн сургууль, эмнэлэг, дуу бүжгийн хамтлаг гэх мэт улсын бүртгэлийн албанаас гэрчилгээ аваагүй, БСШУЯ, ЭМЯ зэрэг байгууллагаас зөвшөөрөл авсан нэгжийг 80 кодоор кодолно.

22. Өмчийн хэлбэр. Тухайн аж ахуйн нэгжийн өмчийн хэлбэрийг нөхөхдөө төрийн болон орон нутгийн өмчийн тухай хуульд үндэслэсэн ангиллын дагуу холбогдох кодыг дугуйлна. Өмчийн хэлбэр нь хамтарсан аж ахуйн нэгжийн хувьд гадаад болон дотоодтой хамтарсан өмчийн эзлэх хувийг нөхнө. Өмчийн хэлбэр нь төрийн хамтарсан бол төрийн өмчийн эзлэх хувийг, орон нутгийн хамтарсан бол орон нутгийн өмчийн эзлэх хувийг, хувийн хамтарсан бол гадаадын өмчийн эзлэх хувийг нөхнө.

Төр чиг үүргээ хэрэгжүүлэх болон нийгмийн хэрэгцээг хангах зорилгоор өөрийн өмчөөр дангаараа байгуулсан хуулийн этгээдийг төрийн өмчит хуулийн этгээд гэнэ /Монгол Улсын “**Төрийн болон орон нутгийн өмчийн тухай**” хуулийн 13 дугаар зүйлд зааснаар/.

Төрийн өмчийн хувьцаатай буюу төр хувь хөрөнгөө оруулсан хуулийн этгээдийг төрийн өмчийн оролцоотой хуулийн этгээд гэнэ / Монгол Улсын “**Төрийн болон орон нутгийн өмчийн тухай**” хуулийн 21 дүгээр зүйлийн 1-р хэсэгт зааснаар/.

Төрийн өмчит хуулийн этгээдийн эд хөрөнгийг бүхэлд нь эсхүл зарим хэсгийг нь хувь нийлүүлж гадаад, дотоодын хөрөнгө оруулагчийн хөрөнгөтэй нийлүүлж хамтарсан үйлдвэр байгуулна /Монгол Улсын “**Төрийн болон орон нутгийн өмчийн тухай**” хуулийн 57 дугаар зүйлийн 1-р хэсэгт зааснаар/.

II. Үндсэн үзүүлэлт

Хүснэгт 1. Бэлэн тоологдсон мал, нас, хүйсээр

Бэлэн тоологдсон тэмээ, адуу, үхэр, хонь, ямааг хүснэгтэд өгөгдсөн нас, хүйсний ангиллын дагуу бүртгэнэ.

Тэмээ:

- Энэ жилийн төл
- Өнгөрсөн жилийн төл
- 2, 3, 4 настай тэмээ
- 5 ба түүнээс дээш настай тэмээ

Адуу:

- Энэ жилийн төл
- Өнгөрсөн жилийн төл
- 2, 3 настай адуу
- 4 ба түүнээс дээш настай адуу

Үхэр:

- Энэ жилийн төл
- Өнгөрсөн жилийн төл
- 2 настай үхэр
- 3 ба түүнээс дээш настай үхэр

Хонь:

- Энэ жилийн төл
- Өнгөрсөн жилийн төл
- 2 ба түүнээс дээш настай

Ямаа:

- Энэ жилийн төл
- Өнгөрсөн жилийн төл
- 2 ба түүнээс дээш настай

Хийгдэх шалгалт:

- 1. Таван төрлийн мал бүгд дүндээ барих шалгалт:** тэмээ, адуу, үхэр, хонь, ямааны тооны нийлбэр нь бүгд дүнтэй тэнцүү байна.
- 2. Малын нас, хүйсний шалгалт:** малын нас, хүйсээр задалсан дүнгийн нийлбэр нь бүгд дүнтэйгээ тэнцүү байна.
- 3. Логик шалгалт:**
 - Нийт хээлтүүлэгч малаас шинээр тавьсан хээлтүүлэгч нь бага буюу тэнцүү байна.
 - Сарлаг, хайнагийн тоо нь нийт үхрийн тооноос бага буюу тэнцүү байна.

Бэлэн хээлтэгч: Сүүлийн 2 насны эм малын тоо нь хээлтэгч малын тоотой тэнцүү байх бөгөөд дүнг программаар нэгтгэн гаргана.

Хүснэгт 2. Малын тоо толгойн өөрчлөлт

Малын тоо толгойн өөрчлөлтийг хийж тухайн оны жилийн эцсийн малыг гаргана. Малын тоо толгойн өөрчлөлтийг тооцоход өрх нэг бүрийн өмнөх оны

жилийн эцэст тоологдсон малыг 5 төрлөөр үнэн зөв нөхсөн байх шаардлагатай. Малын хөдлөл, өөрчлөлтийг оны эхэнд тоологдсон малын тоо болон тухайн жилд нэмэгдсэн, хасагдсан тооны өөрчлөлтөд үндэслэж хийнэ.

Худалдаж авсан, шилжиж ирсэн малд - Гаднаас малын үржил, аж ахуйн дотоод хэрэгцээнд зориулан худалдаж авсан, бусдаас өр төлбөрт авсан, үр хүүхэд, ах дүү, найз нөхөд, хамаатан садангаас бэлэг, тусламжинд шилжиж ирсэн, хулгайлагдсан, алдсан, олдохгүй байсан малыг олж авсан, бусдын тавиул мал шилжиж ирсэн зэрэг бүх насны малыг оруулна. Түүнчлэн шилжиж ирсэн малд тухайн нутагт гадны нутгаас шилжиж ирсэн айл, өрх, аж ахуйн нэгж байгууллагын малыг оруулан бүртгэнэ.

Бэлэн төл - Тухайн жилд гарсан төлөөс хорогдсон, худалдсан, шилжүүлсэн, хүнсэнд хэрэглэсэн, каракуль арьсанд зориулж нядалсан төлийг хасч, худалдаж авсан, шилжиж ирсэн төлийн дүнг нэмж гаргана.

Худалдсан, шилжүүлсэн малд - тухайн өрхөөс үр хүүхэд, ах дүү, найз нөхөд, хамаатан садандаа бэлэг тусламж болгон шилжүүлсэн, бусдын өр төлбөрт шилжүүлсэн, бусдад арилжааны болон үржлийн чиглэлээр худалдсан зэрэг бүх насны малыг оруулна. Түүнчлэн худалдан шилжүүлсэн малд тухайн нутгаас өөр гадны нутагт шилжиж нүүсэн айл, өрх, аж ахуйн нэгж, байгууллагын малыг оруулан тооцно.

Алдсан, хулгайлагдсан, олдохгүй байгаа малд - хулгайд алдсан, эсвэл сүргээс тасарч алга болсон, олдохгүй байгаа, үхэж үрэгдээгүй, эргэж олдох боломжтой гэж үзсэн малыг оруулна.

Зах зээлд борлуулсан малд хүнсэнд зориулж зах зээлд /мал бэлтгэлд/ малаар болон мах болгон борлуулсан бүх насны мал орно.

Хүнсэнд хэрэглэсэн (аж ахуйн дотоодод хэрэглэсэн) малд тухайн өрх, аж ахуйн нэгж байгууллагын хувийн хэрэглээндээ буюу идшиндээ хэрэглэсэн мал бүх насны малыг оруулна.

Хорогдсон малд байгалийн гамшиг гэнэтийн аюулаар, өвчнөөр хорогдсон, чоно нохойд идүүлсэн, бариулсан, үхсэн бүх насны малыг оруулна. Хорогдсон малыг гэнэтийн аюулаар, өвчнөөр, бусад шалтгаанаар гэсэн ангилалд хуваана.

Гэнэтийн аюулын шалтгаанаар хорогдсон малд тухай үед хүний үйл ажиллагаанд дийлдэшгүй байгалийн аюулт үзэгдэлд нэрвэгдэж хорогдсон малыг оруулна. Тухайлбал: ой, хээрийн их хэмжээний түймэр нэрвэгдсэн, гол, уулын үерт урссан, аянга цахилгаанд нэрвэгдсэн, газар хөдлөлтөнд өртсөн, хад чулуу асга нуран, гулсахад нэрвэгдэж үхсэн, их хэмжээний цас, хүйтрэлт, цасан ба шороон шуурга, хүйтэн бороо, мөндөр зэрэг байгалийн үзэгдэлд нэрвэгдсэн мал орно.

Өвчний шалтгаанаар үхсэн малд гоц халдварт, халдвартай, халдваргүй өвчнөөр үхэж, хорогдсон малыг оруулна.

Бусад шалтгаанаар хорогдсон малд гол, мөрөн, нуур, шавар, худагт унаж үхсэн, өндөр эрэг, хад цохио, уулнаас унаж үхсэн, цангаж үхсэн, мөргөлдөж, дарагдаж, буруу эдэлгээнээс болж бэртэж гэмтэн үхсэн, чоно, нохойд идүүлсэн, үхсэн зэрэг малыг оруулна.

Хийгдэх шалгалт:

- 1. Малын тоо толгойн өөрчлөлт:** Тухайн оны эхний малын тоон дээр худалдаж авсан, шилжиж ирсэн мал, бэлэн төлийг нэмж, худалдсан шилжүүлсэн, алдсан хулгайлагдсан, зах зээлд борлуулсан, хүнсэнд хэрэглэсэн, зүй бусаар хорогдсон малыг хасч, тухайн жилийн оны эцэст байгаа малын тоо гарна.
- 2. Тухайн жилийн оны эхний мал нь** өмнөх оны жилийн эцэст тоологдсон малын тоотой малын төрөл бүр тэнцүү дээр байна.
- 3. Бэлэн тоологдсон төл:**
 - Бойжсон төл дээр худалдаж авсан, шилжиж ирсэн төлийг нэмж, худалдаж авсан, шилжүүлсэн, хүнсэнд хэрэглэсэн, каракуль арьсанд нядалсан төлийг хасч гарна.
 - Бэлэн төл нь бод малын хувьд малын нас, хүйсний балансад бүртгэгдсэн энэ жилийн эр, эм төлийн нийлбэртэй тэнцүү байна. Харин бог малын хувьд бэлэн төл нь энэ жилийн эр, эм төл дээр шинээр тавьсан хээлтүүлэгч (хурган хуц, ухна ишиг)-ийг нэмсэнтэй тэнцүү байна.
- 4. Зүй бус хорогдол:** Гэнэтийн аюулаар болон өвчнөөр хорогдсон малын тооны нийлбэр нь зүй бусаар хорогдсон малын тооноос бага буюу тэнцүү байна. Бусад шалтгаанаар хорогдсон мал гарсан тохиолдолд зүй бусаар хорогдсон малын тоо нь гэнэтийн аюулаар болон өвчнөөр хорогдсон малын тооны нийлбэрээс их байна. Өөрөөр хэлбэл зүй бус хорогдол нь гэнэтийн аюул, өвчнөөр, бусад өвчний хорогдлын нийлбэртэй тэнцүү байна.
- 5. Малын шилжих хөдөлгөөн:** Малын шилжих хөдөлгөөн нь өөр аймаг, сум, дүүрэгт хийгдээгүй бол худалдсан шилжүүлсэн, худалдаж авсан шилжиж ирсэн малын тоо нь тэнцүү байна.

Тухайн орон нутагт бусад аймаг нийслэлээс шилжиж ирсэн өрх, аж ахуйн нэгж, байгууллагын малыг хүснэгт 2-ын 18-р багана буюу (шилжиж ирсэн)-д бүртгэж, шилжиж ирснээс хойших хугацааны малын тоо толгойн өөрчлөлтийг хийн жилийн эцэст тоологдсон малын тоотой тулгалт хийнэ. Түүнчлэн өрх нэгдэж, бусдын мал шилжиж ирсэн тохиолдолд мөн адил зарчмыг баримтална.

Мөн тухайн орон нутгаас гадагш шилжсэн өрх, аж ахуйн нэгж, байгууллагын малыг хүснэгт 2-ын 16-р баганад бүртгэж, энэ бичилтийг мөн 21-р баганад давхар хийж, өрх, аж ахуйн нэгж, байгууллага нь малгүй болсон тохиолдолд оны эхний малыг бүртгэж, тохирох хасагдах өөрчлөлтийг хийж жилийн эцсийн малын тоог "0" болгон гаргана. Түүнчлэн өрх нэгдэж бусдад малаа шилжүүлсэн тохиолдолд мөн адил зарчмыг баримтална.

Хүснэгт 3. Төллөх малын тоо толгойн өөрчлөлт

Тайлант онд төллөх насны хээлтэгч нь малын төрөл тус бүр дээр өмнөх оны эцэст тоологдсон бэлэн хээлтэгч буюу сүүлийн 2 насны төллөх мал байна.

Гаднаас малын үржилд зориулан худалдаж авсан, бусдаас өр төлбөрт авсан, түүнчлэн үр хүүхэд, ах дүү, найз нөхөд, хамаатан садангаас бэлэг, тусламжид шилжиж ирсэн, хулгайлагдсан, алдсан, олдохгүй байсан хээлтэгч малаа олж авсан зэргийг хүснэгт 3-ын 29-р баганад бүртгэнэ. Түүнчлэн доод наснаас төллөсөн төллөх насны биш хээлтэгч малыг худалдаж авсан, шилжиж ирсэн хээлтэй мал нь энэ багананд бүртгэгдэнэ.

Хасагдсан хээлтэй малд тухайн өрхөөс үр хүүхэд, ах дүү, найз нөхөд, хамаатан садандаа бэлэг тусламж болгон шилжүүлсэн, бусдын өр төлбөрт шилжүүлсэн, мал хэлбэрээр бусдад арилжааны болон үржлийн чиглэлээр худалдсан хээлтэгч малыг оруулна.

Хээл хаясан малд тухайн жилд хээл авч төллөх байсан ч төл өгөөгүй хээлтэгч малыг хамруулна.

Сувайрсан малд тухайн жилд төллөх байсан ч огт хээл аваагүй хээлтэгч малыг хамруулна.

Өнжсөн хээлтэгч малыг зөвхөн ингэний хувьд нөхөх бөгөөд тухайн жилд төл өгөхгүй ингийг бүртгэнэ.

Төллөсөн хээлтэгч мал нь тухайн жилд төл өгсөн хээлтэгч бөгөөд төллөсөн хээлтэгч нь оны эхний төллөх насны хээлтэгч дээр хээлтэй малын нэмэгдэлийг нэмж, хээлтэй малын хасагдал, хээл хаясан, сувайрсан, өнжсөн хээлтэгч малыг хассан дүнтэй тэнцүү байна.

Хийгдэх шалгалт:

- 1. Оны эхний төллөх насны хээлтэгч нь** өмнөх оны жилийн эцэст тоологдсон бэлэн хээлтэгч малын тоотой тэнцүү байна. Энэ шалгалт нь өрх, баг, хороо, сум, дүүрэг, аймаг, нийслэл, улсын түвшинд мөн адил хийгдэнэ.
- 2. Төллөсөн хээлтэгч нь** тайланд оны төллөх насны хээлтэгч малын тоон дээр хээлтэй малын нэмэгдэлийг нэмж, хээлтэй малын хасагдал, сувайрсан, хээл хаясан, өнжсөн хээлтэгч малыг хассан дүнтэй тэнцүү байна.
- 3. Хээл хаясан, сувайрсан малын тоо буюу төл өгөөгүй хээлтэгч малын тоо нь** оны эхний төллөх насны хээлтэгч малын тооноос бага байна.
- 4. Төллөсөн хээлтэгч малын тоо нь** гарсан төлийн тооноос байга буюу тэнцүү байна. Ихэр төл гарсан тохиолдолд гарсан төл нь төллөсөн хээлтэгчээс их байна.
- 5. Малын төрөл тус бүр дээр бүртгэгдсэн оны эхний хээлтэгч, хээлтэй малын тоо толгойн өөрчлөлт, хээл хаясан, сувайрсан, өнжсөн, төллөсөн хээлтэгч нь** бүгд дүнтэйгээ тэнцүү байна.

Хүснэгт 4. Төлийн тоо толгойн өөрчлөлт

Гарсан төлд тайлант оны төлд ямар нэг өөрчлөлт (нэмэгдэл, хасагдал) хөдөлгөөн хийгээгүй төлийг оруулна.

Хорогдсон төлд байгалийн гамшгийн нөлөөгөөр гэнэтийн аюулаар, өвчнөөр хорогдсон, чоно нохойд идүүлсэн, бариулсан, үхсэн төл байна.

Бойжсон төл нь тухайн жилд гарсан төлөөс хорогдсон төлийг хассан дүн байна.

Худалдаж авсан, шилжиж ирсэн төлд гаднаас малын үржилд зориулан худалдаж авсан, бусдаас өр төлбөрт авсан, үр хүүхэд, ах дүү, найз нөхөд, хамаатан садангаас бэлэг, тусламжинд шилжиж ирсэн, хулгайлагдсан, алдсан, олдохгүй байсан төлийг олж авсан зэргийг оруулна.

Худалдсан, шилжүүлсэн төлийн тоонд тухайн өрхөөс үр хүүхэд, ах дүү, найз нөхөд, хамаатан садандаа бэлэг тусламж болгон шилжүүлсэн, бусдын өр төлбөрт шилжүүлсэн, мал хэлбэрээр бусдад арилжааны болон үржлийн чиглэлээр худалдсан төл малыг оруулна.

Хүнсэнд хэрэглэсэн (аж ахуйн дотоодод хэрэглэсэн) төлд хүнсэнд хэрэглэсэн төл малыг хамруулах бөгөөд энэ нь тугал, хурганы хувьд гарна.

Каракуль арьсанд нядалсан төлд арилжааны зориулалтаар үржүүлж, нядалсан төлийг хамруулах бөгөөд энэ нь зөвхөн хурганы хувьд гарна.

Хийгдэх шалгалт:

- 1. Гарсан төл нь** төллөсөн хээлтэгчээс их буюу тэнцүү байна. Ихэр төл гарсан тохиолдолд гарсан төл нь төллөсөн хээлтэгчээс их байна.
- 2. Бойжсон төл нь** гарсан төлөөс хорогдсон төлийг хассан дүнтэй тэнцүү байна.
- 3. Бэлэн төл нь** бойжсон төл дээр худалдаж авсан, шилжиж ирсэн төлийг нэмж, худалдсан, шилжүүлсэн, хүнсэнд хэрэглэсэн, каракуль арьсанд нядалсан төлийг хассан дүнтэй тэнцүү байна.
- 4. Малын төрөл тус бүр дээр бүртгэгдсэн гарсан төл, хорогдсон төл, бойжсон төл, худалдаж авсан, худалдсан, шилжүүлсэн, хүнсэнд хэрэглэсэн, каракуль арьсанд нядалсан төлийн тоо нь** бүгд дүнтэйгээ тэнцүү байна.

Хүснэгт 5. Нутгийн шилдэг омог, цэвэр үүлдэр, эрлийз, нутгийн сайжруулсан үүлдрийн малын тоо

Уг хүснэгтэд нутгийн шилдэг омог, цэвэр үүлдэр, эрлийз, нутгийн сайжруулсан үүлдрийн малын тоо гэсэн үзүүлэлтүүдээс бүрдэнэ. Малыг үүлдэр, угсаагаар дээрх төрлийн дагуу бүртгэхдээ ҮХАА-н яамнаас гаргасан “Малыг бүртгэх, мэдээллийн нэгдсэн сан бүрдүүлэх тухай” журмын 4 дүгээр хавсралт дахь “Монгол улсад үржүүлж буй малын үүлдэр, омгийн код”-ыг ашиглана. Дараах

4 оронтой малын кодыг маягтанд нөхөхдөө нэг нүдэнд нэг тоо бичнэ. Шинээр бүртгэгдсэн үүлдэр, омгийг нэрээр жагсаан ҮСХ-нд ирүүлнэ. (Тодруулсан үүлдрийн кодууд нь зөвхөн шинэ үүлдэр, омгийнх болохыг анхаарна уу)

Монгол улсад үржүүлж буй малын үүлдэр, омгийн код

1	Цэвэр үүлдрийн хонь	Монгол	0401
2		Үзэмчин	0402
3		Баяд	0403
4		Байдраг	0404
5		Орхон	0405
6		Хангай	0406
7		Ерөө	0407
8		Дархад	0408
9		Барга	0409
10		Алтанбулаг	0410
11		Торгууд	0411
12		Сутай	0412
13		Тал нутгийн цагаан	0413
14		Сүмбэр	0414
15		Керей	0415
16		Өвөрбайгаль	0416
17		Сартуул	0417
18		Говь-Алтай	0418
19		Жаргалант	0419
20	Шинэ үүлдрийн хонь		0420
21	Эрлийз хонь	Үзэмчин Монголын эрлийз	0443
22		Баяд Монголын эрлийз	0444
23		Байдраг Монголын эрлийз	0445
24		Орхон Монголын эрлийз	0446
25		Хангай Монголын эрлийз	0447
26		Ерөө Монголын эрлийз	0448
27		Алтанбулаг Монголын эрлийз	0449
28		Торгууд Монголын эрлийз	0450
29		Тал нутгийн цагаан Монголын эрлийз	0451
30		Сүмбэр Монголын эрлийз	0452
31		Керей Монголын эрлийз	0453
32		Өвөрбайгаль Монголын эрлийз	0454
33		Говь-Алтай Монголын эрлийз	0455
34		Жаргалант Монголын эрлийз	0456
35	Шинэ эрлийз хонь		0457
36	Цэвэр үүлдрийн үхэр	Алатау	0320
37		Шар тарлан	0321
38		Талын улаан	0322
39		Хар тарлан	0323
40		Лимузин	0324
41		Казакын цагаан толгой	0325
42		Дорнод талын улаан	0326

43	Цэвэр үүлдрийн үхэр	Сэлэнгэ	0327
44		Сарлаг	0328
45		Монгол	0329
46		Пьемонтезе	0330
47	Шинэ үүлдрийн үхэр		0331
48	Эрлийз үхэр	Алатау Монголын эрлийз	0357
49		Шар тарлан Монголын эрлийз	0358
50		Талын улаан Монголын эрлийз	0359
51		Хар тарлан Монголын эрлийз	0360
52		Лимузин Монголын эрлийз	0361
53		Казакын цагаан толгой Монголын эрлийз	0362
54		Дорнод талын улаан Монголын эрлийз	0363
55		Сэлэнгэ Монголын эрлийз	0364
56		Сарлаг Монголын эрлийз	0365
57		Пьемонтезе Монголын эрлийз	0366
58	Шинэ эрлийз үхэр		0367
59	Цэвэр үүлдрийн ямаа	Өнжүүл	0531
60		Дөрвөлжингийн буурал	0532
61		Өлгийн улаан	0533
62		Эрчмийн хар	0534
63		Баяндэлгэрийн улаан	0535
64		Говь гурван сайхан	0536
65		Уулын бор	0537
66		Залаа жинстийн цагаан	0538
67	Шинэ цэвэр үүлдрийн ямаа		0539
68	Эрлийз ямаа	Өнжүүл Монголын эрлийз	0567
69		Говь гурван сайхан Монголын эрлийз	0568
70		Уулын бор Монголын эрлийз	0569
71	Шинэ эрлийз ямаа		0570
72	Цэвэр үүлдрийн тэмээ	Монгол	0239
73		Ханын хэцийн хүрэн	0240
74		Галбын говийн улаан	0241
75	Шинэ цэвэр үүлдрийн тэмээ		0242
76	Цэвэр үүлдрийн адуу	Монгол	0142
77	Шинэ цэвэр үүлдрийн адуу		0143

Хүснэгт 6. Тэжээвэр амьтад

Тэжээвэр амьтдыг гахай, шувуу, тахиа, цаа буга, илжиг, булга, үнэг, туулай, минж, бүл зөгий гэсэн амьтдын төрлөөр бүртгэнэ.

Тэжээвэр амьтдыг бүртгэхдээ хээлтэгч, хээлтүүлэгч, бусад гэсэн ангиллаар бүртгэнэ.

Тэжээвэр амьтад – бүтээгдэхүүн үйлдвэрлэж, ашиг олох, амьдрал ахуйдаа ашиглах зорилгоор өсгөн үржүүлж байгаа гэрийн тэжээвэр амьтад юм.

Хийгдэх шалгалт:

Бүгд дүн нь хээлтэгч, хээлтүүлэгч, бусад дүнгийн нийлбэртэй тэнцүү байна (бүл зөгийнөөс бусад төрөлд).

Хүснэгт 7. Тэжээвэр амьтдын бүтээгдэхүүний үйлдвэрлэл, борлуулалт

Тэжээвэр амьтдаас авч ашигласан бүтээгдэхүүнийг гахай, шувуу, туулайн мах, өндөг, цусан эвэр, булга, үнэг, туулай, минжний арьс, зөгийн бал гэсэн нэр төрлөөр, үйлдвэрлэсэн биет хэмжээ, борлуулалт, үнэ гэсэн үзүүлэлтээр хэмжих нэгжийг сайтар анхааран бүртгэнэ.

Хийгдэх шалгалт:

Үйлдвэрлэсэн биет хэмжээ нь борлуулсан биет хэмжээнээс их буюу тэнцүү байна.

Хүснэгт 8. Малчин өрхийн ахуйн зарим үзүүлэлт

Уг хүснэгтэд зөвхөн малчин өрхийн хувьд бүртгэх бөгөөд цахилгаан үүсгүүрийг нарны, салхины, бага оврын, төвлөрсөн системийн цахилгааны үүсгүүр, бусад гэсэн төрлөөр бүртгэж, телевизор, сансрын антенн (DDISH, малчин гэх мэт, бусад), гар утас (бүх төрлийн үүрэн телефоны сүлжээгээр хэрэглэгдэж байгаа гар утас орно, нэг өрхөд хэд ч бүртгэгдэж болно), гар аргаар хийсэн эсгий зэргийн тоо хэмжээг асууж бүртгэнэ. Харин төвлөрсөн цахилгааны эх үүсвэрээс бусад бүх төрлийн цахилгааны эх үүсгүүрийн хүчин чадлыг киловатт /Квт/ - аар нөхнө.

Хийгдэх шалгалт:

Цахилгаан үүсгүүрийн бүгд дүн багана1=багана2:6

Хүснэгт 9. Бэлтгэсэн тэжээл

Тухайн өрх, аж ахуйн нэгж, байгууллагын бэлтгэсэн тэжээлийг хүснэгт дэх төрлөөр асууж нөхнө. Нөхөхдөө хэмжих нэгжийг сайтар анхаарна.

Нэгтгэлийг төрлөөр хийсний дараа тэжээлийн нэгжид дээр өгөгдсөн итгэлцүүрийг ашиглан, шилжүүлж, бэлтгэсэн тэжээлийн дүнг гаргана.

Хийгдэх шалгалт:

Мал тооллогын дүнгээр нэгтгэн гаргасан бэлтгэсэн хадлан тэжээл, гар тэжээл, даршны ургамал, хужир, шүү, сүрэл нь Ургац хураалтын эцсийн мэдээгээр (маягт ХАА-10а, 10б) нэгтгэгдсэн дүнтэй тэнцүү буюу их байна.

Хүснэгт 10а, 10б. ХАА-н үйлдвэрлэлд ажиллаж байгаа мэргэжлийн боловсон хүчин, ашиглагдаж байгаа машин техник

ХАА-н үйлдвэрлэлд ажиллаж байгаа мэргэжлийн боловсон хүчин, ашиглагдаж байгаа машин техникийн талаарх үзүүлэлтийг малын хашаа, худгийн тооллогод хамруулан цуглуулна.

Харин (*) тэмдэглэгээ хийгдсэн үзүүлэлтийг жил бүрийн мал тооллого, бусад үзүүлэлтийг 3 жил тутам Малын хашаа, худгийн тооллогод хамруулна.

Хүснэгт 11. Худаг, усан сан

Тухайн өрх, аж ахуйн нэгж байгууллагын эзэмшилд байгаа худаг, усан сангийн тоо, усан сангийн багтаамжийг байршил, ашиглалтын хэлбэрээр асууж нөхнө.

Дундын эзэмшлийн худагтай тохиолдолд худгийн паспорт эзэмшиж буй өрхөд худаг тоологдохыг анхаарна. Худгийг дараах байдлаар ангилна. Үүнд:

Гүний өрөмдмөл худаг - Газрын гүний усыг авч ашиглах зорилгоор өрөмдөж, ханыг нь бэхэлж байгуулсан, босоо цооногийн уст үед байрлуулсан, ус шүүж оруулах яндан шүүртэй, дотор талдаа усны шахуурга, ус дамжуулах хоолойтой инженерийн байгууламжийг хэлнэ.Өөрөөр хэлбэл харьцангуй голч /150, 200, 250, 300, 350, 400 мм /-той, 30 метрээс доош гүнтэй цооног бүхий цахилгаан буюу дизель хөдөлгүүртэй ус өргүүртэй худгийг өрөмдмөл худаг гэнэ.

Богино яндант худаг - Газрын гүний усыг авч ашиглах зорилгоор том голчоор өрөмдөж ханыг нь 1м голч урттай бетон цагиргийг давхарлан 3м гүнд суулгасан, түүнээс доош 30м хүртэл гүнд бага голчтой цооног өрөмдөж төхөөрөмжилсэн өрөмдмөл худгийн зохион байгуулалттай ижил инженерийн байгууламжийг хэлнэ.Өөрөөр хэлбэл харьцангуй бага голч /150, 200, 250 мм /-той, 30 метр хүртэл гүнтэй цооног бүхий худгийг богино яндант худаг гэнэ.

Энгийн уурхайн /гар худаг/ - Хөрс, геологийн тогтолцоог ажиглаж судалсны үндсэн дээр хөрсний өнгөн хэсэгт ус байх магадлал бүхий газарт 8м хүртэл гүн ухаж гаргасан цооногийн ханыг мод, чулуу зэрэг материалаар хашиж бэхэлсэн худгийг хэлнэ.

Усан сан гэж улс, орон нутгийн хүчээр баригдсан 4 ба түүнээс дээш куб м багтаамжтай мал услах талбай, онгоцтой усалгааны цэгийг хэлнэ.

Хийгдэх шалгалт:

Нийт худгийн тооноос бэлчээрт байршдаг болон ашигладаггүй худгийн тоо нь сугарч харагдах бөгөөд дүнд барихгүй. (багана1>=багана3), (багана1>=багана4)

Өрөмдлөгийн, богино, яндант, энгийн уурхайн, бусад төрлийн худгийн дүнгийн нийлбэр нь худгийн бүгд дүнтэй тэнцүү байна. (мөр1=мөр2:мөр5)

Хүснэгт 12. Малын хашаа

Малчин өрхийн эзэмшилд байгаа бүх төрлийн малын хашааны тоог хашааны төрлөөр нөхнө. Малын нийт хашаа, үүнээс дулаалгатай, саравчтай, саравчгүй, бодын хашааг нөхөхдөө өвөл, хаврын улиралд бэлчээрийн тохиромжтой газарт баригдсан, удаан хугацаанд ашиглагдах бэлэн хашааг тоолж, нөхнө. Харин баригдаж дуусаагүй, хөрзөнгөөр баригдсан, түр зуурын ашиглалттай буюу нүүдлийн чанартай хашааг оруулахгүй.

Саравчтай хашаа - гурван тал буюу тал дугуй ханан хашаанд саравчин дээвэр тавьсан, хана нь завсаргүй дулаалагдсан байхаас гадна саравчны өмнө талд мал нарлуулах буюу тэжээх талбайтай баригдсан хашааг хэлнэ.

Саравчгүй хашаа - дээвэргүй дөрвөлжин буюу тал дугуй, бүрэн дугуй маягийн хэлбэртэй хашааг оруулна.

Бодын хашаа – бод малын хашааг тусад нь салган харуулна. Багтаамжийг бодын толгойн тоогоор нөхнө.

Багтаамжийг тооцохдоо хонин толгойд шилжүүлснээр тооцож нөхнө.

Хонин толгойд шилжүүлэхэд дараах итгэлцүүрийг ашиглана:

1 тэмээ	=	5 хонь	1 хонь	=	1 хонь
1 адуу	=	7 хонь	1 ямаа	=	0.9 хонь
1 үхэр	=	6 хонь			

Хийгдэх шалгалт:

Дулаан байр, саравчтай, саравчгүй, бодын хашаа нь нийт хашааны дүнгээс сугарч, дүнд барихгүй. (багана1>=багана2), (багана1>=багана3), (багана1>=багана4).

Мал тооллогын маягтыг өрх, аж ахуйн нэгж бүрээр сайтар бүртгэсний дараа малаа тоолуулсан өрхийн тэргүүлэгч, тоолсон хүний нэрийг маягт дээр бүртгэн бичиж, гарын үсэг зуран баталгаажуулж, бүртгэсэн он, сар, өдрийг тавина.

Малын хашаа, худгийн тооллогыг 3 жил тутамд явуулах бөгөөд харин малын хашаа, худгийн тоог дүнгээр нь жил тутмын тооллогоор цуглуулна.

IV. Мал, тэжээвэр амьтдын тооллогын мэдээлэл боловсруулалт

Сум, дүүргийн түвшинд мал тэжээвэр амьтдын тооллогын мэдээллийг өрх, аж ахуйн нэгж байгууллагаас маягт МТ 1-ээр цуглуулж, мэдээллийг ҮСХ-ноос хүргүүлсэн мал тооллогын программаар компьютерт шивэлт хийж, боловсруулна.

Сум, дүүргийн Засаг даргын тамгын газраас боловсруулалт хийж, эцэслэсэн өрх, аж ахуйн нэгж байгууллагын мэдээллийг аймаг, нийслэлийн статистикийн газар, хэлтэст файлаар хүргүүлэх бөгөөд баг, хороо, сум, дүүргийн нэгтгэлийг цаасаар баталгаажуулан архивлан хадгална.

Аймаг, нийслэлийн статистикийн газар, хэлтэс нь сум, дүүргээс мал тооллогын мэдээллийг файлаар хүлээн авч, шалгаж, нэгтгэн боловсруулалт хийж, сумдаар нэгтгэсэн өрх, аж ахуйн нэгж байгууллагын мэдээллийг ҮСХ-нд файлаар ирүүлнэ.

-----ОоО-----

Монгол Улсын Засаг захиргаа, нутаг дэвсгэрийн нэгжийн код

Аймаг, сумын нэр	Код
Архангай	65
Эрдэнэбулган	01
Батцэнгэл	04
Булган	07
Жаргалант	10
Их тамир	13
Өгийнуур	16
Өлзийт	19
Өндөр-Улаан	22
Тариат	25
Төвшрүүлэх	28
Хайрхан	31
Хангай	34
Хашаат	37
Хотонт	40
Цахир	43
Цэнхэр	46
Цэцэрлэг	49
Чулуут	52
Эрдэнэмандал	55

Аймаг, сумын нэр	Код
Баянхонгор	64
Баянхонгор	01
Баацагаан	04
Баянбулаг	07
Баянговь	10
Баянлиг	13
Баян-Овоо	16
Баян-Өндөр	19
Баянцагаан	22
Богд	25
Бөмбөгөр	28
Бууцагаан	31
Галуут	34
Гурванбулаг	37
Жаргалант	40
Жинст	43
Заг	46
Өлзийт	49
Хүрээмарал	52
Шинэжинст	55
Эрдэнэцогт	58

Аймаг, сумын нэр	Код
Баян-Өлгий	83
Өлгий	01
Алтай	04
Алтанцөгц	07
Баяннуур	10
Бугат	13
Булган	16
Буянт	19
Дэлүүн	22
Ногооннуур	25
Сагсай	28
Толбо	31
Улаанхус	34
Цэнгэл	37

Аймаг, сумын нэр	Код
Булган	63
Булган	01
Баян-Агт	04
Баяннуур	07
Бугат	10
Бүрэгхангай	13
Гурван булаг	16
Дашинчилэн	19
Могод	22
Орхон	25
Рашаант	28
Сайхан	31
Сэлэнгэ	34
Тэшиг	37
Хангал	40
Хишиг-Өндөр	43
Хутаг-Өндөр	46

Аймаг, сумын нэр	Код
Говь-Алтай	82
Есөнбулаг	01
Алтай	04
Баян-Уул	07
Бигэр	10
Бугат	13
Дарив	16
Дэлгэр	19
Жаргалан	22
Тайшир	25
Тонхил	28
Төгрөг	31
Халиун	34
Хөхморьт	37
Цогт	40
Цээл	43
Чандмань	46
Шарга	49
Эрдэнэ	52

Аймаг, сумын нэр	Код
Дорноговь	44
Сайншанд	01
Айраг	04
Алтанширээ	07
Даланжаргалан	10
Дэлгэрэх	13
Замын-Үүд	16
Иххэт	19
Мандах	22
Өргөн	25
Сайхандулаан	28
Улаанбадрах	31
Хатанбулаг	34
Хөвсгөл	37
Эрдэнэ	40

Аймаг, сумын нэр	Код
Дорнод	21
Хэрлэн	01
Баяндун	04
Баянтүмэн	07
Баян-Уул	10
Булган	13
Гурванзагал	16
Дашбалбар	19
Матад	22
Сэргэлэн	25
Халх гол	28
Хөлөнбуйр	31
Цагаан-Овоо	34
Чойбалсан	37
Чулуунхороот	40

Аймаг, сумын нэр	Код
Завхан	81
Улиастай	01
Алдархаан	04
Асгат	07
Баянтэс	10
Баянхайрхан	13
Дөрвөлжин	16
Завханмандал	19
Идэр	22
Их-Уул	25
Нөмрөг	28
Отгон	31
Сантмаргаз	34
Сонгино	37
Тосонцэнгэл	40
Түдэвтэй	43
Тэлмэн	46
Тэс	49
Ургамал	52
Цагаанхайрхан	55
Цагаанчулуут	58
Цэцэн-Уул	61
Шилүүстэй	64
Эрдэнэхайрхан	67
Яруу	70

Аймаг, сумын нэр	Код
Дундговь	48
Сайнцагаан	01
Адаацаг	04
Баянжаргалан	07
Говь-Угтаал	10
Гурвансайхан	13
Дэлгэрхангай	16
Дэлгэрцогт	19
Дэрэн	22
Луус	25
Өлзийт	28
Өндөршил	31
Сайхан-Овоо	34
Хулд	37
Цагаандэлгэр	40
Эрдэнэдалай	43

Аймаг, сумын нэр	Код
Өмнөговь	46
Даланзадгад	01
Баяндалай	04
Баян-Овоо	07
Булган	10
Гурвантэс	13
Мандал-Овоо	16
Манлай	19
Ноён	22
Номгон	25
Сэрвэй	28
Ханбогд	31
Ханхонгор	34
Хүрмэн	37
Цогт-Овоо	40
Цогтцэций	43

Аймаг, сумын нэр	Код
Өвөрхангай	62
Арвайхээр	01
Баруунбаян-Улаан	04
Бат-Өлзий	07
Баянгол	10
Баян-Өндөр	13
Богд	16
Бүрд	19
Гучин-Ус	22
Есөн зүйл	25
Зүүнбаян-Улаан	28
Нарийнтээл	31
Өлзийт	34
Сант	37
Тарагт	40
Төгрөг	43
Уянга	46
Хайрхандулаан	49
Хархорин	52
Хужирт	55

Аймаг, сумын нэр	Код
Сүхбаатар	22
Баруун-Урт	01
Асгат	04
Баяндэлгэр	07
Дарьганга	10
Мөнххаан	13
Наран	16
Онгон	19
Сүхбаатар	22
Түвшинширээ	25
Түмэнцогт	28
Уулбаян	31
Халзан	34
Эрдэнэцагаан	37

Аймаг, сумын нэр	Код
Сэлэнгэ	43
Сүхбаатар	01
Алтанбулаг	04
Баруунбүрэн	07
Баянгол	10
Ерөө	13
Жавхлант	16
Зүүнбүрэн	19
Мандал	22
Орхон	25
Орхонтуул	28
Сайхан	31
Сант	34
Түшиг	37
Хүдэр	40
Хушаат	43
Цагааннуур	46
Шаамар	49

Аймаг, сумын нэр	Код
Төв	41
Зуунмод	01
Алтанбулаг	04
Аргалант	07
Архуст	10
Батсүмбэр	13
Баян	16
Баяндэлгэр	19
Баянжаргалан	22
Баян-Өнжүүл	25
Баянхангай	28
Баянцагаан	31
Баянцогт	34
Баянчандмань	37
Борнуур	40
Бүрэн	43
Дэлгэрхаан	46
Жаргалант	49
Заамар	52
Лүн	55
Мөнгөнморьт	58
Өндөрширээт	61
Сүмбэр	64
Сэргэлэн	67
Угтаалцайдам	70
Цээл	73
Эрдэнэ	76
Эрдэнэсант	79

Аймаг, сумын нэр	Код
Увс	85
Улаангом	01
Баруунтуруун	04
Бөхмөрөн	07
Давст	10
Завхан	13
Зүүнговь	16
Зүүнхангай	19
Малчин	22
Наранбулаг	25
Өлгий	28
Өмнөговь	31
Өндөрхангай	34
Сагил	37
Тариалан	40
Түргэн	43
Тэс	46
Ховд	49
Хяргас	52
Цагаанхайрхан	55

Аймаг, сумын нэр	Код
Ховд	84
Жаргалант	01
Алтай	04
Булган	07
Буянт	10
Дарви	13
Дөргөн	16
Дуут	19
Зэрэг	22
Манхан	25
Мөнххайрхан	28
Мөст	31
Мянгад	34
Үенч	37
Ховд	40
Цэцэг	43
Чандмань	46
Эрдэнэбүрэн	49

Аймаг, сумын нэр	Код
Хөвсгөл	67
Мөрөн	01
Алаг-Эрдэнэ	04
Арбулаг	07
Баянзүрх	10
Бүрэнтогтох	13
Галт	16
Жаргалант	19
Их-Уул	22
Рашаант	25
Рэнчинлхүмбэ	28
Тариалан	31
Тосонцэнгэл	34
Төмөрбулаг	37
Түнэл	40
Улаан-Уул	43
Ханх	46
Цагааннуур	49
Цагаан-Уул	52
Цагаан-Үүр	55
Цэцэрлэг	58
Чандмань-Өндөр	61
Шинэ-Идэр	64
Эрдэнэбулган	67

Аймаг, сумын нэр	Код
Хэнтий	23
Хэрлэн	01
Батноров	04
Батширээт	07
Баян-Адрага	10
Баянмөнх	13
Баян-Овоо	16
Баянхутаг	19
Биндэр	22
Галшар	25
Дадал	28
Дархан	31
Дэлгэрхаан	34
Жаргалтхаан	37
Мөрөн	40
Норовлин	43
Өмнөдэлгэр	46
Цэнхэрмандал	49
Бор-Өндөр	52

Аймаг, сумын нэр	Код
Дархан-Уул	45
Дархан	01
Орхон	04
Хонгор	07
Шарын гол	10

Аймаг сумын нэр	Код
Орхон	61
Баян-Өндөр	01
Жаргалант	04

Нийслэл, дүүргийн нэр	Код
Улаанбаатар	11
Багануур дүүрэг	01
Багахагай дүүрэг	04
Баянгол дүүрэг	07
Баянзүрх дүүрэг	10
Налайх дүүрэг	13
Сонгинохайрхан	16
Сүхбаатар дүүрэг	19
Хан-Уул дүүрэг	22
Чингэлтэй дүүрэг	25

Аймаг сумын нэр	Код
Говьсүмбэр	42
Сүмбэр	01
Баянтал	04
Шивээговь	07

